

Коми Республикаса том войтырлөн газет



ЙОЛДА

2014
урасьом
21-өд
лун

7 №
(1132)



**Куажысь кыын
чужо майд
Б.Л.Б.**

**Тайо
НОМЕРЫН**

Февраль 18-öd лунö Сыктыв-карса коми культура шöринын воссис «Кужысь кыин чужö мойд» выставка. Татысь позьö аддзыны декоративно-прикладной творчествоа уджъяс, а водзмöстчисны таын Ю.Спиридонов нима искусствояс гимназияын этнокультурной шöринлөн «Акань» шöринса нывъяс.

5
л.б.

Талун, февраль 21 лун, став мир пасьта пасйöны Чужан кывлысь лун. Такöд йитöдын Коми муын окота ыджöдлыштны мича да мыла коми кывнымöс, сы вылын сёрнитны кужысь да велöдысь войтырöс, а тшöтш и найöс, кодьяс пыдди пуктöны да зильöны быд ногыс видзны-сöвмöдны миянлысь чужан кывнымöс.

8-9
л.б.

Бöръя кадö том йöз пöвстысь унаöн мунöны Россияысь овны суйöрсайö. Кодкö сьöм нажöвйтöм могысь, кодкö мөвпалö бурджыка олöм йылысь - быдöнлөн аслас помка-мог. Бур-ö сэнi, збыль-ö мойдывывса олöм, он куж стöча шуны, он кö аслад синмөн ставсö аддзв. Виктория Потапова чужлöма Корткерöс районса Шойнаты сиктын. Öнi сийö некымын во нин олö Америкаын, кöнi сылөн аслас семья.

12
л.б.

Матыстчö февраль 23 лун - Айму дорйысьяслөн лун. А такöд йитöдын и шогсьöм: «А мый эськö козьнавны батылы, школаса ёртлы, радейтана мортлы, пилы?» Вузасынiнын тiянлы вöзъясны быдторсö, сöмын водзвыв колö бура мөвпыштны да гөгөрвоны, кутшöм козин лоас меддонаөн тайö либö мöд мортлы.

14
л.б.



Томулов - лыжня вылö

Февраль 27 лунö Сыктывкар «Динамо» спортивной базын ордысьясны ичöt арлыда лыжникъяс. Татшöм гажыс Комиын котыртчö кызьöдысь нин.

Таво ордысьясны петаласны сажйö ветлысь 300 ныв-зон. Налы ковмас котöртны 150 да 500 метр. Ордысьсöм костын посниуловöс гажöдасны ворсöмъясөн да ывлаын пуöм чöскыд рокөн.

«Лыжня дошколаят-2014» гажö пырöдчысьяс пöвстысь быдöнлы вичмасны юмов козин да грамота, а командалы - кубок да тшöтш жö козин.

Чукöртчыласны том туялысьяс

Март 1 лунö «Science Slam» проект серти юркарын чукöртчыласны Коми Республикаса том туялысьяс. Найö кутасны сёрнитны гипоксиякöд, аутоагрессиякöд да парниковой газкöд йитчöм мытшöдъяс йылысь. Аддзысьлöмыс мунас «СССР» клубын.

Быд туялысьлы ковмас дас минутөн висьтавны-восьтыны кывзьясьяслы асьыс видзöдлассö. Тайö аддзысьлöм дырйиыс том йöз вермасны пасьтасыны кыдзи кöсийöны. Лоас аслысьяма клуб кодь, кöнi юргö öнiя шылад, ныв-зон кылöны асьнысö оз аудиторияын моз, кокниа вермöны суйсыны мукöд сёрниö да вöзйиыны асьыныс кутшöмкö видзöдлас. Вермысьöс бöръясны медгораа клопайтöмөн.

Вöзйöм темаяс вылö сёрнитны окотитысьлы позяс шыöдчыны слэм котыртысьяс дорö «ВКонтакте» группа пыр.

«Комиинформ» серти

Концертный зал Гимназии искусств

**ТЭ ЛОАН ШУДА!
ТЫ НЕ ПОЖАЛЕЕШЬ!**

ЭТНОДИСКОТЕКА
ЭТНОЙÖКТÖМ
21.02.2014

20.00-23.00
DJ СЕРГЕЙ ЕФРЕМОВ

100 шайт / 100 рублей

реклама

РОО "Союз коми молодежи "МИ",
МОД "Коми войтыр"



«Йёлöгa» - «ВКонтакте»-ын!

ВКонтакте

Газета "Йёлöгa"

изменить статус

Описание: Коми республиканская газета для молодежи
 Веб-сайт: <http://komimu.com/>
 Местоположение: Сыктывкар

Свежие новости

Фотографии

В основном альбоме 8 фотографий

Управление сообществом

Пригласить друзей

Рекламирывать сообщество

Статистика сообщества

Вы состоите в группе.

Рассказать друзьям

Выйти из группы

Участники

494 человека

Галина

Ольга

Елена

Надежда

Юлиан

Нина

Ссылки

4 ссылки

118 записей

К записям от имени сообщества

Написать сообщение..

Газета "Йёлöгa"

Февраль 5-7 лунъясö Сыктывкарын мунис «Эмиушка-зима» республикаса витöд конкурс, көн асьвнык мастерлуннысö петкöдлöны да орд-йöсины том йöктысьяс. Тайö конкурс кык вонас муно öтчыдысь.

Ссылка komimu.com

ГАЗ

vk.com/photo-40231694_285403373

7 - FreeCommander

Без имени 1 - OpenOffice...

Газета "Йёлöгa" - Go...

RU

19:14

Мейн-кун, девон рекс да канадаса сфинкс

Март 8-9 лунъясö Сыктывкарын котыртчылас «Вычегодские зори. Зарни Кань. Весна-2014» став войтыркостса каньяслон выставка.

Сийöс котыртысь Наталья Цветковалон кывъяс серти, талунъя лун кежлö вома нин 140 сайö заявка. Петкöдчыны асланыс каньясөн көсийоны миян республикалон пöшти быд кар-районын олысь войтыр. Воны көсийысьö-маöсь и Кировысь да Казанысь.

Урчитом программа серти торйон кутасны ордысьны том да гырысь каньяс. Торъя шоуын петкöдчасны кузь да дженьыд гона британияса мейн-кунъяс, асивывса да бенгальскöй каньяс, сфинксъяс, гортса да кодзöм каньяс.

Таысь кындзи таво лö котыртöма «Зарни кань» торъя конкурс, көнi каньяс пасьтасясны национальной паськөмö. Нöшта ордысьясны черепаха рöма да медгора мартса каньяс да уна мукöд. Котыртчылас и «Менам кань» челядь серпасъясысь конкурс. Таысь кындзи юркараса олысьяс да гöсьгыяс аддзыласны шензьöдана пöрöдаа пемöсьясöс: бурман каньöс, девон рексöс да канадаса сфинксöс.

Выставка мунас «Ренова» шöринын. Пыригöн ковмас мынтысьны.



СПОРТ

Ассьыныс Олимпиада нуөдिसны тшөтш и Сыктывкар бердса Вылыс Максаковкаыс 15 номера шөр школаын велөдчысяс.

Максаковкаса Олимпиада

«Олимпийцы, вперёд!» - буретш татшом ним улын школаын мунисны Олимпиадалы сшөм спорт кузя ордыссьомьяс. Медводз медбур велөдчысяссы да конкурсысын водзмөтчсысяссы лои позянлу нунны Олимпийской би. Та могыс став велөдчыс-велөдысяс вочисны кузсыс-кузь «ловья» каридор. Гораа клопайтөм улын и вуджөдисны кибьс киö факелсö. А медбөрын босьтис бисö

физкультура велөдыс, варччөм кузя мастер Оксана Петровна Назарова. «Жаркие! Зимние! Мои!» девиз горөдөм бөрын кыпыда воссис ордыссьомыс.

Ордыссьыны ныв-зон-

лы позис быдсикас конкурсын: биатлонын, «максаковкаса моз керлингын» (колис гын саптогөн веськавны ворапö), скелетоннын (мыштөм дадь вылын ислассьом), лыжиөн котөртö-

мын, фристайлын (өти кокö лыжи пысалөмөн котөртөм), хоккейсы ворсөмын да даддя спортын (школаса чой йывсянь «лебянкиөн» ислассьом).

Быд ордыссьөмын петисны чемпионьясөн медтэрыбьяс да медвынаяс. Налы вичмисны медальяс да грамотаяс, а тшөтш и козиньяс. Ордыссьөмө став пырөдчысяс сетисны сертификатьяс да юмовторьяс.

Элеонора МАМОНТОВА



Луддор районса Абъячойын ДЮСШ подулын котыртлөмаөсь лызьөн котралөм кузя ордыссьөм «Знамя труда» районса газетлөн козин вылө. Та во тшупөда паса ХХХ-öd ордыссьөм сиисны Сочиса Олимпиадалы.

Лыжи вылын котөрөн

Ордыссьөмө, кодi нөшта мунис «За здоровую Республику Коми в 21 веке» XV-öd спартакиада-көд да республикаын дзоньвидзалуна оласноглы сшөм вокөд йитөдын, пырөдчис районса 230 спортсмен.

«Знамя труда» серти, вермыссяс шуисны быдсикас арлыд серти. 1 километра ордыссьөмын 2002-öd вося пөвстын вермис Тьдор грездыс Яна Туголукова. Татшөм жö арлыда зоньяс пөвстын 2 километра медводдзаөн венис Черёмуховкаыс Даниил Перминов. 2000-2001-öd вося нывкаяс пөвстын медводз воис Черёмуховкаыс жö Юлия Косолапова. 1998-1999-öd воясса пөвстын вермисны Черёмуховкаыс жö Евгения Плехова да Анастасия Емельяненкова.

1996-1997-öd вося спортсменьяс пөвстын 5 километра медтэрыба котөртис Абъячойыс Артур

Игнатов. Нывьяс пөвстын - Спаспорубыс Ирина Фомина. 18-29 арлыдаяс пөвстын вермисны Ношуль сикт овмөсыс Василий Смолев да Абъячой сикт овмөсыс Надежда Вахрамеева. 50 арөса да верстыдзыкьяс пөвстын торьялис Абъячойса спортсмен Василий Беляев. Нывбабаяс пөвстын - Чернышыс Елизавета Овчинникова.

Өтув зачөтын медводдза места сикт овмөс серти босьтисны Абъячойса лыжникьяс, мөд - Чернышса, коймөд - Прокопьевкаса.

Районса шөр школасаяс пөвстын торьялисны Абъячойса школа, мөд местаын - Спаспорубса, коймөдын - Черёмуховкаса. Мукөд школаяс пөвстын медводдзаөн лои Тьдorsa, сэсса - Мутнигаса да Прокопьевкаса.



ВЫСТАВКА Февраль 18-öd лунö Сыктывкарса коми культура шöринын воссис «Кужысь кыин чужö мойд» выставка. Татысь позьö ад-дзыны декоративно-прикладной творчества уджъяс, а водзмöстчисны таын Ю.Спиридонов нима искусствояс гимназияын этнокультурной шöринлөн «Акань» студияысь нывъяс.

Кужысь кыин чужö мойд

Мыйсö сöмын он аддзы сэтись? Вöньяс, джодждöра, ки чышкöд, чачаяс да уна мукöдтор - ставсö вöчöма ас киöн. Кыгысь öнйа кадö паныдалан нылöс, кодö кужö кыны джодждöра, вöчны акань, быд пöлöс чача? Да и верстгöджык нывбабаяс унаöн оз кужны. А со «Акань» студияысь нывъяс кужöны. Со мый найö асьныс шуöны:

- Сьёлöмыд нимкодясьö, кор пуксян кысян стан сайö.

- Кутшöм ыджыд терпеннö вöлöма водзын нывъяслөн, мыйта кад мунöма, медым дасьтыны при-данной. Ставсö öд ас киöн вöчлöмаöсь.

- Водзын прöст кад кө вöли, пыр и интернетö сатшыкыся. Öнй стöча гöгöрвоа - джодждöра кыö сьысь ёна бур.

Выставка восьтгöн «Акань» студияö ветлысь нывзон сьылсны-йöктисны, гажöдисны ставнысö. 11-öd классын велöдчысь Полина Игнатова шуис, мый гöсьтыяс пиын пукалö сьлөн ыджыд мамыс - Пелагея Алексеевна Уляшева. Сийö козыналöма искусствояс гимназиялы кысян стан, а тайö рыт кежлö абу повзöма кузь туйысь да локтöма выставка вылö. А öд туйыс абу дженьыд - Кулöмдін районса Вöльдін сиктсаян.

- Станыслы 100 во нин. Сьлөн быттьö виль олöм воссис, öд öнй оз нин прöста куйлы сарайын уджтöг, - висьталö Полина.

«Акань» студиялы 5 во нин. Сэтчöс мастер киа нывъясөн вöчöма зев уна удж, кодъяс йитöны ми-янöс важся кадыскöд. Вескöдлö студиянас Анто-нина Никоноровна Амонариева. Сы серти, вы-ставка вылын эмöсьгырысь уджъяс, а мукöдсö час джыийöн сöмын вöчöма, но быд уджын челядлөн сьёлöмыс. И нимкодъ, мый налысь мастерлунсö вылö донъялöны оз сöмын миян республикаын, но и суйöр сайын.

Выставка дырйи шуисны, код пö тöдас, кытöн олöмад ковмас тайö кужанлун-сямыс нывъяслы. Но позьö повтöг шуны, мый найö кужöны вöчны сийс, мый оз кужны тшöтшгьясыс.

Екатерина МИКУШЕВА



КОЛАНА УДЖ

Кык во сайын нин Сыктывкарын восььома финн-йöгра кывъяслы информатика отсöг кузя лаборатория. Сійö уджалö Коми Республикаса госслужба академия бердын. Лабораторияыс меститчöма юркарса печать керкаын, а öтуввезйысь сійöс позьö аддзыны wiki.komikuv.ru сайтысь.

Коми кыв öтуввезйын

Медшöр могыс - пыртны коми кыв электроннöй формаö, торйöн кө - öтуввезйö. Сюйны сэтчö коми кывкудъяс, текстъяс, каталогъяс да уна мукöдтор. Ставыс тайö вöчсьö сы могысь, медым коми морт вермис сьöм вештытöг көть кутшöм кадö босьтны коми кыв кузя колана материал. Весиг библиотекаысь талун сьöкыд аддзыны важ литература. Öткымын небöг сöмын öти да кык, да и аддзан сійöс сöмын библиотекаын. Сайтысь важ небöгтö позьö зэв кокниа аддзыны. Оз ков пукавны да уна час чöж гижны - сöмын пет интернетö да шыбит колана материал аслыд компьютерö. Роч челядыслы тайö сайтыс колана жö: электроннöй кывкудъяс отсöгөн позьö кочныбдыжыка вöчны гортса удж. И велöдыслы сійö колана, оз ков лставлыны кыз кывкудъяс, медым корсьны колана кывлысь вежортас - сайтын ссылкаяс «вайöдасны» колана юрöдз.

Лабораторияын уджалöны кык морт: лингвист Öньö Лав да инженер Андрей Чемышев. Веськöдыслысь - филологияса кандидат Марина Серафимовна Фебина. Регыдья кадöн лои вöчöма коми да рöдвуж кывъяслы клавиатураö раскладка, орфография автоматическöя видлалан сервис, коми небöгъяслы (торйöн кө - учебникъяслы) öтувъя спи-

сок, чукöртны текст форматын быдпöлöс коми гижöд (тайö уджыс муно на). Вöли сканируйтöма да гөгöрбок лöсьöдöма быдсикас коми небöг, мыйтакö пунктöма интернетö.

Вöчöма, дерт, уна нин, но водзын уджыс нöшта на унджык. Бөръя кадö

коми небöг. Кадыс петкöдлас, кызди-мый артмас.

- *Ми вöчим коми кыв кузя унатор да и водзö кутам зйла уджавны, - висьталö Öньö Лав. - Ставтор вылас кинмы оз сугзсьы. Ёна колöны отсасьысьяс, согтöд уджалысьяс. Со и лöг га-*

мытöмторъяс. Со и корсьöны бара согтöд кияс да синъяс, öд окота регыддыжкөн эштöдны заводитöм уджсö.

Лаборатория йылысь унджык тöдмалан сайтысьс. Сэни эм колана телепон номеръяс, медым йитчыны специалисткöд. Вермана отсöг уджа-



Коми Республикаса юралысьяс казялöмаöсь лабораториялысь уджсö да көсиймаöсь сетны вермана отсöг. Шуам, öни республика сёрнитчö АВВУУ котыркöд, медым коми кывсö официальной пыртасны FineReader программаö. Тайö программа отсöгөн позьö сканируйтöм небöгъяс вöчны текстöн. Сійö ёна кочнöдас электроннöй коми библиотека лöсьöдöмсö. Öтшöтш көсийöны пыртны компьютерö став

зет пыр шыöдчыны коми йöз дорö, медым пуктасны асьыныс пай чужан кыв öтуввезйö пыртöмö.

Коми йöз дорö лабораторияыс оз нин медводдзаясь шыöдчы. Колöм гождöм коми йöз отсöгөн тöлысьöн-джынйöн лои пыртöма электроннöй формаö «Рочакомиа кывкуд» да пунктöма сійöс сайтö. Öни пö тайö кывкудсö колö бурмöдны - согтыны примеръяс, вöчны колана ссылкаяс, бырöдны тыр-

лысьяс пыр дасьöсь сетны. Сайтысь жö позьö аддзыны да босьтны аслыд быдпöлöс программа, медым, шуам, видлавны коми орфография, корсьны да быд ног юкыныны коми текстысь торъя кывъяс, артавны, тшöкыда-ö паныдасльöны найö текстын да с.в.

Кызди быд уджын, эмöсь мытшöдъяс, кодъясöс колö венны. Öтиыс на пöвстысь - тайö некымын ногөн ö да **i** шыпасъяс гижанног. Колö



эськө, медым найö лосны öти сикасаөн, но издательствоясын öнөдз важ техника, и тайö оз сет позянлун тырвийö бура пуктыны дасьтöм программаяс да колана ног уджавны. Уна майшөг и орфография боксянь, вывтi нин дзибрöс сийö мян. Терминъясөн нокуыс тшöтш тыр.

- *Öнiя кагö комиы колö ёнмöдны öтувъя гижöд кывлысь орфография да терминология, - тöдчöдö Öнiя Лав. - Буретш гижöд кывiйс рöдвуж сёрнисикаса йöзсö öтувтигөн да мукöд кывъя йöзсыг торйöдмөн артмöдö войтырлысь нация. Гортгöгöрса олöмын ставөн вöдитчам сёрнисикасөн, а кор сёрнишам-гижам комиён культура, политика да наука йылысь, сэки быть колö кутшöмкö öтувъя кыв бала. Сэтчö и колö öтласа гижанног да терминулов. Ас терминъяс (ва коми терминъяс) колöны жö. Öнi унаөн видöны виль кывъяс. А весьшөрö. Олим нин тай совет кагö, кор став терминсö рочөн колö вöли гижны. Сысянь и кыптö вöли юалöм, мыйла коми кывiйс колö - тшыкöдöм роч коды нин да. Вывтиасьны, дерт, оз ков, но зильны весавны коми кыв, сөстөмджыка гижны комиён быть колö...*

Татшöмсiяма мыгшöдъяс венöмөн зильö лаборатория. Татчöс уджалысьяс окотапырысь виччысьöны и тiянсянь, дона лыддысьсысьяс, кутшöмкö вöзиймъяс. Кыдзи шуласны, öти кийдюрыд бур, а унанад вермам и джуджыд мылькъяс бергöдны.

Надежда ПУНЕГОВА
Снимокыс финн-йöгра кывъяслы информатика отсöг кузя лабораторияысь.

АДДЗЫСЬЛÖМ

Семьялы да челядьлы социальной отсöг сетан юркарса шöрин ветлис Сыктывкар бердса Гöрд Затон посёлокысь 9 номера шöр школаö.

Весиг рыцарьяс Волiсны

Шöринса специалистъяс нуöдiсны ныв-зонлы «Конвенция о правах ребёнка» тема серти лекция. Уроксö сетiсны ворсöм да слайд-шоу петкöдлöм пыр. Томулов сюся кывзiсны да унатор тöдмалiсны асланыс право йылысь.

Ичöt класса дзюлюкъяслы шöринса психолог нуöдiс «Путь к дружбе» тренинг. Челядьлы висьталiсны, мый сэтшöмыс ёртасьöм, а тшöтш и кыдзи пыдди пуктыны да видзны ёртъястö.

Школаö волiс тшöтш и 34 номера юркарса коледжысь социальной парикмахер, нывъяс окотапырысь шырсины-мичмöдчисны.

Ичöt арлыда велöдчысьяс пырöдчылысны «Цветик пятицветик!» гажö, кодöс сиисны дзоньвидза оласноглы. Ныв-зон öти бöрся мöд нетшышталiсны дзоридзлысь сыръяс да лыддiсны, мый колö водзö вöчны. Быд сырiын колiс висьтавны-петкöдлыны, кыдзи, шуам, видзчысьны либö мынтöдчыны куритчöмысь. Тшöктöмторъясын паныдасьлысны и нöдкывъяс, и спортивной ордйысьöмъяс.

Та бöрын вöли «Я выбираю жизнь» интеллектуальной ворсöм, кодöс тшöтш сиисны дзоньвидза оласноглы. Тани ныв-зон юксисны котыръяс вёлö, быдөн мөвпыштiс аслыс ним да девиз. Ворсöмö пырöдчысьяслы разöдiсны тшöктöмторъяса кум конверт. Челядьлы колiс вочавидзны юалöмъяс вёлö. Став сёрни-юалöмыс йитчис школапытшса олöмкöд.

Бöрынджык «Дерево добра» творческой мастерскойын ныв-зон вöчалiсны салфеткаысь дзоридзъяс, а сэсся чукортiсны найöс öти пуö. Удж помасьöм бöрын томулов гижисны республикаса челядь больничаын куйлысьяслы письмöяс да сиисны öдйöджык бурдöдчыны. Дасьтöм мича пусö да письмöяссö шöринса специалистъяс нуисны бурдöдчанinö.



Медся ёна ныв-зонлы кажитчис рыцарьяслөн ордйысьöм, кодöс дасьтiсны «Кречет» история-реконструкция клубын зильысьяс. Медводз найö висьталiсны Русьлөн история да вына йöз йылысь, а бöрыннас ставөн удитiсны пасьтавлыны рыцарлысь шлем да кианыс меч босьтöмөн велöдчыны тышкасьны.

Социальной технологияс сөвмöдан регионса шöринлөн юөр серти





ВОДЗМӨСТЧӨМ

Талун, февраль 21 лун, став мир пасьта пасйöны Чужан кывльсь лун. Такöд йитöдын Коми муын окота ыдж-дöдлыштны мича да мыла коми кывнымöс, сйöн сёрнитны кужьсь да ве-лöдысь войтырöс, а тшöтш и найöс, кодъяс пыдди пуктöны да зильöны быд ногыс видзны-сöвмöдны миянлысь чужан кывнымöс.

Коми кываöн аскиа лун

Юркар шöрын эм 80 номера челядьлы сад. Воссьылöма сйö 1968 воын. Нимыс сылön зэв мича да коми ногөн юргö - «Зарань». И могыс тайö сад-йыслön йитчöма коми кывкöд жö. Луньсь-лун ичöтик ныв-зонкаöс татчöс велöдысьяс тöдмöдöны коми культура-традицияөн, Коми мулön аслыспöлöслунön да коми кывйөн. Быд асыв томуловöс тані вочаалöны «Бур лун, муса дзюлюкъяс!» кывъясөн. И челядь нюмъялгтырйи котöртöны радейтана мöд мамъяс динö.

Татчöс садйö ветлö уна сикас национальносетья ныв-зон. Ставныс найö окотапырысь велöдöны коми кыв, пырöдчöны гаж-конкурсö да унатор вöчöны ас киён. И весиг налön бать-мамлön оз чужлы юалöм: а колö-ö бытгысь тöдны коми кывсö?

Куим арöссиянь ворсöмгыяс пыр ичöтикъясöс велöдöны радейтны да пыдди пуктыны Коми мулысь

чужан кыв. Быд занятие дырйи нывкаяс да зонкаяс тöдмалöны кутшöмкö выльтор миян му йылысь.

Торйөн позьö висьтавны да нимкодъясны «Коми керка» этно-музейён. Тані чукöртöма зэв уна видзöдан материал - важсикас кöлуй, кодъясөн вöдитчылисны на миян пöль-пöчьясным. Пырöны татчö ичöтик нывкаяс да окотапырысь пуксьывлöны пызан дорö, ыджыд пач дорö, видлöны укватён босьтны пöрт, потанён лайкйöдлыны кагаöс. А зонкаясы тані нöшта на нимкодъ. Öд налön сингъяс водзын пöрысь пöльяслön кыйсян эмбур. И мыйыс тані абу! Зонкаяс кöть лунтыр татысь оз петавлыны.

Веськöдлö «Зарань» садйөн Светлана Петровна Куратова. Сылön водзмöстчöмön татчö чукöрмöма ёртасьысь да унатор кужьсь войтыр. Налön сингъясныс югъялöны выль тöдöмлун шедöдöм вылö,





окотапырысь пырöдчöны быдсикас конкурс-гажас. Унаысь и вермысьяс лыдö веськавлöны. Таысь кындзи татчöс велöдысьяс уджалöны авторскöй пособиес да методическöй разработкаяс вылын. Водзмöстчысь войтырыдлөн и быдтасъясныс сэтшöмöсь. Оз ков унаысь шуны - пыр и сетасны сöглас пырöдчыны быдсикас ордысьöмас.

«Зарань» садйö тшöкыда волывлöны госьтыяс. Оз сöмын республика пасьтаысь, но и Россияысь да финн-йöгра муясысь. И пыр найö шензёны ичöтикъяслөн мича коми кывйөн сёрнитöм да сыйлём-йöктöм вылö, татчöс уджалысьяслөн коми кыв видзём-сöвмöдöм вылö. Быд пöрийö госьтыяс кöйысьöны и мöд волигөн бытысь пыравлыны миян садйö.

Зэв окота, медым Коми муным пасьта татшöм коми пельöсыс нöшта на унджык вöли. Медым татчö вермисны волыны коми семьяяс, медым тані юргис коми кыв да медым ичотсянь нин ныв-зон велöдчисны вылö лэптöм юрөн шуны асьнысö коми-ясөн. Тадзи кö лоас, сідзкö, коми кывным оз на быр, оз кус и сы дорö помтöм радейтöмыс, пыдди пуктöмыс, и сюрасны на водзö сöвмöм вылö туйяс.

Ирина Николаевна НАБИУЛЛИНА
да Вероника Николаевна НЕСТЕРОВА,
 юркара 80 номера садйын уджалысьяс.
 Снимокъясыс авторъяслөн.



И КОКНИДЖЫК ОВЛЫВЛӨ ЛОВ ВЫЛЫН

Иван БЕЛЫХ

Вөлі тайö сэки, кор сөмын на зонмавны кути. Отчыд меным воис öти ыли сиктса нывкасянь письмö. Сэни сийö гижöма, мый нимкодыпырысь лыддьöма коми газетысь ичöтик гижöд сы йылысь, кызди ме гажöда аслам гудöкөн клубö чукортчöм том йöзöс. Нывкайдлы и окота лоöма письмö отсöгөн тöдмасыны мекöд. Ошйысьöмпырысь сэки петкöдлi тайö письмöсö аслам ёртъяслы. Найö весиг сэки кызкö завидыпырысь видзöдисны ме вылö. Видзöдтö, кыськö бокöвöй нывкалы нин окота лоöма тöдмасыны налөн сиктса гудöкасыськöд. Но сiдзи эг и смелöдчыв гижны нывкайдлы вочакывсö. Көть эськö унаысь кыскавлi письмöсö зептысь. И быдысь сийö кызкö аслысногөн шонтi менсьым сёлöмöс.

Сэки и гөгөрвои письмöыслысь гуся вынсö. Ачым öд дзик некодлы на эг гижывлы. А со меным воис нин. И тайö письмöыс лоис меным сэки кутшöмкö гуся ёртөн. И дыр на сы йылысь казтывлi ас кежысь.

Но регыд и аслым ковмис босьтчыны гижны письмöястö. Менсьым кыкнан ыджыдджык вокöс, Николайöс да Алексейöс, öтшöтш босьтiсны армияö. Куим во чöж служитiсны öтлаын гортсянь бокин. Медводз найöс велöдисны Красноярскын, авиаспециалистъяслөн школаын. А сэсы сийöс помалöм бöрын кыкнанысь жö öтлаын мөдöдисны водзö служитны Украинаса Ивано-Франковскöй областыö, Каламья карö. Сэни менам вокъяс отсалiсны кыпöдчывалыны енэжö военнöй самолётъяслы. Дерт жö, куим вотö гортсянь бокин абу кокни овны, кор ставсö колö вöчны команда серти. Унаысь гажтöмыд босьтывлö. И ме пöшти быд тöлысь вöли гижа ыджыдджык вокъяслы асламым сиктса олöм-вылöм йылысь, гортын тöжд-майшасьöмъяс йылысь

письмöяс. А насянь воывлисны юөръяс, кызди нин муно салдатлөн сьöкыд службаыс, кымын тöлысь нин колис гортö вотöдз. И со коркö дыр виччысьöм бöрын август тöлысьö вокъяс бөр бергöдчисны гортö. Мыйта вöли сэки помасьялтöм сёрниыс. Казытылисны и менам письмöяс йылысь. Öд найö сiдз жö отсалiсны кокньöдны кутшöмакö салдатлысь олöм-вылöмсö.

Письмöлысь гуся вынсö гөгөрвои, кор кымынкö во мысти и ачым веськалi армияö. Көть эськö меным институт помалöм бöрын колö нин вöли служитны сөмын öти во. Да и сийöс помалысьясыды мукöд салдат серти, дерт, кокнидджык вöли. Но армияыд армия и эм. Быдсяма ыджыд и ичöt сьöкылунсö лоö венны. Сэки и гөгөрвои, мый менам вокъяслы гортсяньыд письмöясыд вöлины медся бур козинөн. Öд служба вылад быд лун öти и сийö жö удж. Быд лун колö плац вылын сулавны стройын, ветлыны командиръяслөн стрöг индöд серти. Кутшöмкö гажöдчöм йылысь весиг сёрни абу. Весиг узян стрöг индöд серти. Но со воис гортсянь либö кутшöмкö ёртсянь письмö. И пыр жö лов вылад лоö шоныдджык. Сiдзкö абу на вунöдмаось тэ йылысь, кöнкö помнитöны на. Но регыд нин воас кад, и тэ бара паныдасян аслад матыссакöд да тöдсакöд. А öни тайö письмöыс быттö вöтлö тэ дорысь гажтöмлунсö, быдсикас шоглунсö. Виччысьлы пö нин. Эз пö нин дыр коль тэныд служитны. Коркö бара воасны гажа лунъяс.

Буретш тадзи и вöли мекöд армияын. Кутшöм ёна вöли письмöястö виччыян быд лун. Торйөн нин медводдза тöлысыясас. А сэсы найöс лыддигөн вöйтчан кутшöмкö аслыссикас олöмö. Быттöкö тэ бара гортад, аслад матыссакöд орччөн. И некод сэсы тэныд оз ков наысь öтдор. Но тököтьöөн орöдöны тэнсьыд тайö

аслыссикас вöттö. Бара нин колö петны плац вылö либö мөдöдчыны ыли туйö. Но тэныд öни ёна кокнидджык. Тэ тайö письмö отсöгнас тököтьö кежлö веськавлiн гортад. И öни сэсыя позьö служитны водзö. Став шог-печальсö гортсянь письмöыд кытчöкö разöдис. Юксян аслад радлунөн и ёртъясыдкöд. Найö тэныд сiдз жö гортса выльторъяссö висъявлöны.

И, дерт жö, некор оз вун, кызди сэсыя меным ковмис янсöдчыны тайö письмöясыскöд. Сёысь аттьö налы, мый сетлисны меным содтöд радлун, содтöд вын-эбös, отсалiсны разöдны кутшöмкö ковтöм майшасьöмъяс да шоглунъяс. Мукöддырйи, кор шог босьтывлис, эг öтчыдысь лыддьывлы важся письмöяссö. Быттöкö эськö нинöм сэтшöм-татшöмсö сэтчö эз вöv гижöма. Со кодкö гөтрасьöма, кодкö верös сайö петöма, кодъяслөнкö кага чужöма, кодöскö пасйöмаось бур уджысь, кодлөнкö гөгрös пас вöлöма олöмас, кодкыкö выль патера сетöмаось. Ставыс эськö тайö тэтöг вöли. Но тэ быттö накöд орччөн жö сэтчös олöмас тököтьö кежлö сувтлiн. И став тайö адзжывлытöм серпасъясыс öни тэнад син водзын ловзöны. И збылысь тэтöг быттö нинöм абу вöлöма. И весиг мукöддырйи гусьөн окавлi тайö бур юöra письмöяссö.

Но öд бөр гортад найös он нин ну. Ставыс тайö торытъя лун нин. И со чукортi найös торъя ичöтик мешöкö да нуи казарма сайö, кöни вежджык лөп-өгсö сотывлисны. Öзти бипур. Кöсья шыбитны меным во чöжөн воом письмöяссö трачкакылысь биö, но киясöй оз лыбны. Сэтшöм жальöсь найö. И шог, и яндзим. Öд ас кадö тайö письмöясыс вöлины меным медбур ёртъясөн. А öни со эз кутны ковны. И со жалпырысь шыблала найös биö да аслам синваöй петö. Кымын аттьö кыв шуи ме



аслам письмояслы найос сотигон. Проститой мено, донаясой. Метян йылысь некор ог вунод. Ти сэтшом ена отсалінныд ловйон видзны менсым сьолөм биос.

Кымын во нин сэсянь колис. А ме пыр на казтыгла тайо письмояссө. Дерг, и сы бөрын на эз этшаысь ковмылы моддлывлыны письмояс аслам ёртгяслы, кодгяскөд оз тшөкыда удайтчывлы аддзысьлыны. И быд татшом письмө гижом бөрын кызкө аслысногон бара жө кокниджык овывлис лов вылын. Бара оти буртор лои вөчөма. Ас йылысь юөртөма. Бур йитөд водзө кутөма. Казыгыштөма сийө кадсө, кор отлаын овлим-вывлім, отвылысь шогсылім и нимкодясим. А öнi сөмын письмоясын на йылысь лоө казтывны да лача кутны водзө аддзысьлөмгяс вылө.

Тадзи жө коркө отлаын велөдчылім Коми пединститутын Евгений Штейнкөд да Лиза Гофманкөд. Ме сэсся коми газетын куті уджавны. А найө лоисны Коми радиоын дикторгясөн. Отлаасисны да семья лөсьодісны. Но пыр кутім топыд йитөдгяс. Эз отчдысь гозгя гожомгяснас во-

лыны менам чужан Ивадор сиктө вотчыны да чери кыйны. Но со воис кад, да пөль-пөчгяслөн вирыс найос бөр кыскис важся олаінас, Германияө. Коркө Екатерина царица дырйи на мукөд немечьяскөд тшөтш Штейнгяс да Гофмангяс овмөдчылөмаось Россияө. Но налысь правнук-правнучкаяссө бөр корис нэмөвөйся чужаніныс. Öнi меным кадысь кадө воывлөны Германияысь да Боварияса мусянь письмояс. Звөнитчывлам и телепон пыр. Ме сідз жө гижывла воча письмояс, казтыгла воддза олөмсө, лыддөдла сийө вежсьөмгяссө, кодгяс лоисны бөргя кадө миян Комиын. И, дерг жө, пыр бурсиам ёрта-ёртлы. Найө оз вунөдны сийө мусө, көні чужлісны-быдмылісны, көні колис налөн челядьдырыс да томлуныс. Көть кызди оз скөравлыны ота-мөд выланыс ыджыд политикгяс, но Женя да Лиза гозгякөд быдтор кузя ме пыр воа оти квийө. Найө сідзжө оз көсйыны, мед кутшөмкө кымөргяс сайөдісны миян му весгтысь шондісө. Гозгя быдтісны Николай пиөс, коді аслас кошта вылө нин петіс, но талун пыр на зильөны. Женя

Штейн лэдзө асыввылысь воөм немечьяслы торгя газет. Звөнитчывлө оз сөмын меным, но и Россияын олысь аслас мукөд ёртгяслы. И сийө, и ме көсгям, медым му вылын быдөн кутісны овны шудаа. Со та йылысь и майшасгям асламым письмоясын.

И нөшта уна бур ёрткөд удайтчыліс письмөасыны аслам нэм чөжөн. Көть эськө талунгя том йөзлы письмөаяссө вежисны сотөвөй телепонгяс. И со перөручкаон гижом письмояс пыдди найө дугдывтөг модөдалөны отамөдныслы SMS-каяс. Сөмын ме коддьөм олөма войтырыс оз көсйыны энөвтчыны важ ногөн письмө гижөмысь. Кызди нин сәні матысса да төдса олөны-вылөны, мый вөсна майшасьөны, мыйлы нимкодясьөны. И пыр сиөны, мед жө ставыс бур вөлі тайө олөмас. А сэсся быдтор артмас. И мед жө уна письмө воас на менам бур ёртгяссянь. А ме кута гижны налы. Тайө письмөаясыс өд тшөтш отсалөны кутны төлка-лада олөмсө. Со и ена бөрынджык нин гөгөрвои, мый и сийө нывкайдды меным быть колө вөлі гижны вочакывсө...



**Босьт
ПРИМЕР**

Бөръя кадö том йöз пöвстысь унаöн мунöны Россияысь овны суйöрсайö. Кодкö сьом нажөвитöм могысь, кодкö мөвпалö бурджыка олөм йылысь - быдөнлөн аслас помка-мог. Бур-ö сэнi, збыль-ö майдывыса олөм, он куж стöча шуны, он кö аслад синмөн ставсö аддзыв.

Виктория ПОТАПОВА:

«Ас вынөн шедöдi Америка»

Виктория Потапова чужлöма Кöрткерöс района Шойнаты сиктын. Öнi сийö некымын во нин олö Америкаын, кöни сълөн аслас семья: верöс да ичöt пиукыс.

Кызди ныв веськалöма ыли муö? Виктория мунöма Америкаö Сыктывкарса университетын коймöд курс велöдчöм бöрын, 2005 воын. Сълөн да нöшта öти зонлөн лöма позянлун уджавны некымын тöлысь суйöрсайын «Work and travel» уджтас серти. Кад кольöм бöрын зонмыс бөр локтöма Россияö, а Виктория «нюжöдöма» визасö. Öнi нин сийö тырвийö олö да уджалö сэнi. Сълөн кык гражданство.

- Мыйла мөвпышти овны танi? Збыльысь, пыр кöсйи мунны суйöрсайö. Йöзлөн зумыш чужöмъяс, öти удждонсянь мöдöдз олөм... Окота лои вежны ставсö аслам олöмын. Лои татшöм позянлуныс да ме, веськыда кö шуны, пышйи, - висьталö Виктория. - Америкаын медводз уджалi саригздорса гожся лавкаын. Сэнi быдсямасö вузавлiсны, йöзыс вöли локтöны веськыда пляжсянь да гуляйтöны. Танi и аквариумын акула, и лабиринт... Ыджыд лавка, быттьö гöра. Сэсся уджалi нималана «Starbucks» кофейняын. Тайö уджсö тшöтши ёна рагейтi, паныдалi уна шань сьöлöма йöзöс. Водзö уджалi японскöй ресторанын. Медводз ёна полi, мый англия кывсö ог на сэтшöм бура тöд, но, тыгалö, 19



арöснаг виль кивъясыд кокниа пырöны юраг. Уна пöлöс удж на вежлi. Озыр ресторанын уджалiгөн öти гожöмөн верми ньöбны аслым машина. Тагзи, кыз шуласны, пыри азартö - сьом нажөвитöм ёна кутiс кажтычыны. Веськавлi казиноö, весиг заслуженнöй уджалысьяс лыдын лои, босьтi награда, премия. А сэсся воис кад, кор ковмис бөрйыны сьом нажөвитöм либö семья. Öнi менам медся бур да рагейтана удж - ме мам.

Сьöкыд-ö овмöдчыны йöз муын? Со тай, Виктория олö суйöрсайын öкмысöд во нин. Дерт, вöлöма-öсь и сьöкылдунъяс, но нывка ставсö шедöдöма ас вынөн.

- Америкаын менам бур ёртъяс, семья. Эм и Россияын - Коми муын - семья, кытчö верма быд здуко вольвильны. Полан, кор документъясöн нохсян. А друг оз сетны, а друг шуасны «нелегал», друг бөр ковмас мунны да некор нин сэсся татчö он лок. А, сiдзкö, эм нин танi, Америкаын, мыйкö матысса-тор, кöть кызди оз лöгавны роч йöз американечьяс вылö. Америка - тайö ставмирса уна сикас войтыр, ми ставным öтлаын.

Екатерина МИКУШЕВА.

Снимокыс Виктория ПОТАПОВАЛÖН.

Айму

Павел Андреевич Шучалин оло Куломдін районса Зимстан посёлокын. Кольом во ноябрь помын том морт локтома армияысь и öнi зильö Лунвыв электрической сетьяс котырын электромонтёрөн.

Армия бöрын - гортас

Кужомöн да став сёлöмсяныс вöчö ассыс уджсö. Кывзысысь, быдтор пель саяс сюркнялысь да ставлы отсöг выlö воысь том мортс пидди пуктоны да ошкöны посёлкса олысыяс.

Павел татчöс. Школа помалöм бöрын пырöма Сыктывкарса индустриальной техникумö да велöдчöма техник-электрикö. Армияö мунöма специалистöн нин. Вескалöма Улыс Новгородса автомобильной войскаö. Лючки-бура служитöма. И во мысти нин Павел бөр локтома чужанинас.

- Миян ылi посёлкын уджөн бөрйысьöмыд оз артмы, - вись-

талiс том морт. - *Меным мойвис, мый армияысь воём бöрын регыгья кагөн босьтiсны электромонтёравны.*

Павеллы уджыс воö сёлöм вылас. Ёртгясыскöд сийö видзöдалö да дзоньталö Зимстанын да матысса сикт-грездын би провöдьяс. Миянкöд аддзысьлыгöдз том морт буретш локтома линия вылысь. Эз öткажит да, снимайтчис на.

А ми сиам том мортлы кольны татшöм жö осьса сёлöма мортөн да чолöмалам сийöс Айму дорйысьöн лунөн.

Надежда ПУНЕГОВА



Февраль 19 лунö Москваын Коми Республикаса представительство да юркарса юношеской библиотека котыртлiсны Айму дорйысьяслөн лун кeжлö сийм телемост. Сылөн мозыс вöли сетны позанлун Москваын да Москва обласьтын Комиысь служитысь салдатъяслы видеомост пыр сёрнитыштны рöдвужыскöд. Öткымынлөн мам-батьыс волiсны весиг ылi районьясысь.

Телемост йитiс Коми да Москва

Сыктывкарысь, Ухтаысь, Сосногорскысь, Усинскысь, Интаысь, Печораысь, Воркутаысь, Куломдін, Койгорт, Емдін, Сыктыв районьясысь салдатъясöс чолöмалiсны гажөн да сиисны бур служба Юралысьлөн сöветник Александр Пасечник, военкоматын том йöзс служба выlö чукöртан юкöнын веськöдлысьöс вежысь Александр Горбатый да 30 сайö военнотружачойлөн бать-мам.

Таво выlö Комиысь Москваö да Москва обласьтö служитны веськалöма 500 сайö морт. И öткымынлы на пöвстысь мойвиис видео пыр аддзысьлыны сёрнитыштны матыссаыскöд. Да и Сыктывкарын юношеской библиотекаын тайö лунö вöли уна йöза. Телемост сетiс позанлун уналы висьтавны сёлöм



вöрзёдана кывгьяс. Мам-бать синванысö кутöмөн сёрнитiсны асланыс пьянкöд. Юркарын олысь ань чолöмалiс служитысь верöспусö локтан гажөн, а тшöтш и кöлысьлөн тшупöда пасөн. Салдат Алексей коралис ассыс радейтана Ксения нывсö петны верöс сайö...

Телемост петкöдлiс, мый служитысь том войтырлы оз тырмы татшöм сёрниыс. И найö сэтшöм осьса сёлöмөн, некодысь повтöг сёрнитiсны матыссаыскöд. Кутам лача, мый и водзö выlö тайö бур традицияыс оз кус, а водзö на сöвмас.

Миян корр.

Снимокъясыс КР-са юношеской библиотекаысь.

ШӨПКӨДЧЫШТАМ

Матыстчө февраль 23 лун - Айму дорйысь-яслөн лун. А такөд йитөдын и шогсьом: «А мый эськө козьнавыны батылы, школаса ёртлы, радейтана мортлы, пылы?» Вузасынынын тиянлы вөзьясны быдторсө, сөмын водзвые колө бура мөвпыштны да гөгөрвоны, кутшөм козин лоас меддонаён тайө либө мөд мортлы.

Мый козьнавыны зонлы?**Томуловлы позас бөрйыны:**

- серамбана гижөда футболка;
- фотоа кружка;
- компьютерлы флешка, наушник;
- дискьяслы холдер;
- аслыссикас блокнот;
- ичөтджыкьяслы позьө и машинка-чачаяс, пызанвывса ворсөмъяс;
- сьом чөжөм вылө копилка;
- лотерея билет.



Спорт радейтысьлы позьө козьнавыны мач, гантельяс, ролик, спорт вузасынынысь сертификат. Кыйсьысь-вөралысьяслы да походө ветлысьяслы зэв бура лөсяласны палатка, ноп, узылан мешөк, компас, аскөдыд босьтөм вылө шашки-шахмат да нарды ворсөмъяс, компас, чери кыян эмбур да уна мукөдтор.

**Батыдылы, радейтана пөлыдылы, верөсыдылы:**

- машинаас кутшөмкө ароматизатор;
- стеклө вылас чача;
- автонавигатор;
- пуклөсьяс вылас чехол;
- автомагнитола;
- мича дөрөм, галстук, джемпер;
- бритчан набор, электробритва;
- кучикысь кошель.



А дзык кө нин он төд, мый козьнавыны, вөзьям лөсьөдны сідз шусяна романтической рыт да висьтавыны сьблөмсяныд поськывьяс. А нөшта позяс нуодлыны гача войтыртө боулингө, аквапаркө, картинг клубө.



Йола коктейль радейтöны юны и верстьö, и посни. Кафейсы позьö аддзыны сылысь некымын сикас. Шуам, ванильысь, шоколадысь да озйысь. Вöзьям дасытыны найöс гортаныд, öд дасытыны абу дыр и рöсходыс абу уна. Чöскыд кындзи тайö юанторйыс сетö вын. Сыын уна микроэлемент, белок, минерал да витамин.

**Дашук
ВЕЛОДО**



Чöскыд юантор

Ванильысь

Ковмас: 2 стöкан ванильнöй мороженöй, 1 стöкан йöв, стöканлөн нельöд пайыс йöв выв (сливки), 3 ыджыд пань сахар, ичöt паньлөн көкъямысöд пайыс ванильнöй эссенция.

Шоколадысь

Ковмас 2 стöкан ванильнöй мороженöй, 1 стöкан йöв, стöканлөн нельöд пайыс йöв выв, ас көсийм серти сахар, 2 ичöt пань какао.

Озйысь

Ковмас 2 стöкан ванильнöй мороженöй, 1 стöкан йöв, стöканлөн нельöд пайыс йöв выв, ас көсийм серти сахар, ас көсийм серти озья сироп.



Шэмрок

Ковмас 2 стöкан ванильнöй мороженöй, 1 стöкан йöв, стöканлөн нельöд пайыс йöв выв, ичöt пань йыв мята экстракт, 8 воит турунвиж рöма сёян краска.



Став сикас коктейльыс дасытысьö öти нога - гудравны ставсö блендерын да кисьтавын стöканъясö.

Нянь-сов!

Историяысь

Коді медводдзаон мөвпыштис вöчны йöла коктейль, абу тöдса, но тайö вöли Америкаын 1920-öд воясö, кор странаас пыртисны «кос закон» (эз позь юны коддзöданатор). Буретш сэки Америкаын мөвпыштисны вöчны коктейль, кытчö некутшöм курыдтор абу содтöма.

Сийö кадыс важөн нин кольöма, но йöла коктейль öнöдз на нималö. Öни сийöс радейтöны оз сöмын Америкаын, а став мир пасьта. Чужанинас тайö лоөмторйыс лои нин национальнöй символөн.

Серамбана лоөмтор йитчöма коктейль нимкöд, Американечьяс ног сийö «шейк». Вуджöдны кө - дзөрöдны-гудравны, öд коктейль вöчöны ёна легöдöм-дзөрöдöмөн. Озыр англичана Америкаын полисны барменлөн юалöмысь: «Гашкö, шейк колö»? Найö гөгөрвоисны, мый колö дзөрöдчыны-легны да öткажитчылисны чöскыд юанторйысь.

ЙОЛОГА

«Коми йöзöдчан керка»
Коми Республикаса
автономнöй учреждение.

**Веськöдлысь
Н.Н.БЫКОВСКАЯ
Гл.редактор
Г.В.МАКАРОВА**



Газет панысь:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральнöй
службалөн Беломорскöй
управлениеын.

Регистрирунтан пас:
ПИ №ФС 3-0686.

Социальнöй тöдчанлуна
гижöдъясö йöзöдöма «Коми
йöзöдчан керка» автономнöй
учреждениеылы печать да юөр
сетан КР-са агентствоон
вичмöдöм сьöм вылö.



Редакциялөн адрес:

167982, Сыктывкар,
К.Маркс улица,
229-öд керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru



**Редакцияын
уджалысьяс:**
том йöзлөн мытшöдъяс
юкөнөн веськöдлысь –
Надежда Пунегова;

**письмö юкөнөн
веськöдлысь –**
Екатерина Микушева.



Медводдза лист бокас
снимокыс
Екатерина
Микушевалөн.



Авторъяслөн мөвпьяс оз
пыр лöсявны редакциялөн
видзöдласкöд.



Тираж – 551.
Гижöдчан индекс – 52099.
«Йöлогa» газет петö
1991-öд восянь
вежоннас öтчид, комиөн.



Печатьö кырымалан кад:
график серти – февраль
тöлысьлөн 19-öд лунö
16 часын; кырымалöма
печатьö 16 часын.
Газет печатайтöма
«Коми республиканскöй
типография» ООО-ын дась
оригинал-макетъясысь.
167610, Сыктывкар,
В.Савин улица, 81
Заказ №

Ирина Николаевна Набиуллина зильё юркарса 80 номера челядьлы садйын. Ичот ныв-зонмөс ань төдмөдө Коми муон, татчөс культура-традицияон, а нөшта велөдө вөчасьны пластилинысь. Челядьлысь төдөмлунсө кыекөрталө занятияс вылын - велөдө мыйкө ас кион вөчны.

Февраль 21 лунө став мир пасьта пасйоны чужан кыvelyсь лун. И такөд йитөдын «Йөлөгалон» ерт, Ирина Набиуллина, вөзий вөчны пластилинысь сідз шусяна плакетка - Сыктывкарлысь канпас (герб).



Юркарлөн канпас



Вөчөм вылө колө дасьтыны уна рөма пластилин, стек - пластилин вундалан пурт, дөска, картон.

2 Та бөрын щитлысь улыссө «мавтам» турунвиж рөма пластилинөн, вылыссө - лөзөн. Медым пластилинөн вөли кокни уджавны, мавтгөдз сийөс ёна ням-ралам, мед бура небзяс.



1 Медводз вундам картонысь щит (ыдждасө поэь бөрийны аслыд). Сэсья шөрөдыс нуөдам визь.



4 Та бөрын шөрас пластилинөн мавтөм щит вылө вөчан ошлысь юр, личкыштам сийөс чуньон. Тадзи жө вөчам чужөм, ныр, пель да лапаяс.



3 Юркарса канпас вылын серпасалөма ошкөс. Сийөс и вөчам. Та вылө дасьтам кольк-виж рөма ичөт да ыджыд гөгыльяс - чужөм, юр да пельяс вылө, да кузьмөс формаа лапаяс.

5 Медбөрын мичмөдам вөчөм гербсө, медым сийө артмис збыльвывса кодьон. Коз да шондө вөчам еджыд рөма пластилинысь. Съод рөмөн вөчам ошлы син да гыж.

Татшөм ногөн жө поэь вөчны став кар-районыслысь канпассө.

